

## 苗栗縣僑文國小口說藝術~西湖好名產

甲：ㄟ嘿

(棚頭) 各位評審笑呵呵 叔公阿伯恹恹坐  
聽我念段辣番歌 大家端凳仔顛倒坐  
古井肚內捉烏窩 竹頭尾項釣帕歌  
三十晚晡月光好 我看我公討我婆  
我媽行嫁我扛轎 看人噴笛打銅鑼  
雞公生卵咯咯咯 雞子伴田打鴉婆  
又趕我爸去機場 把等公太雞上坐  
飛機飛對月球過 嫦娥湊我合山歌來合山歌

甲：在下吳先廣

丙：是你先報名又愛我先講

甲：毋係！毋係！我姓吳，先人的先，廣進的廣~

恁久無聲，討錢的人怕走地哪！連吃幾下日的蕃薯，嘴角癢到現下還會痛  
喔，還是來去莊下遶遶啊，行行啊較著……，來去~(甲 騎車樣……)

甲：哎哟……哎哟……(停車)，仰肚屎痛起來…？哎哟……有人冇？

乙、丙(一男一女):(唱 蕃薯 行等出)來去哦！嘿咻嘿咻嘿咻咻！

歌詞： 一擔大蕃薯喔！ 到會夭壽，起腳兩三步哪 就墜落田竇肚，  
壞籬刮水褲，扯爛無針補，該哉皮膚膠褲共樣烏，  
嘿哟嘿哟嘿哟哟， 出田脣過塚埔， 過石橋，蹶山路，緊 緊  
停 到晝，吉剎又吉煮，衰過著兩條大豬。

丙女：誼！該儕人仰會唉到恁大聲？

乙男： 乜毋知，無就來去 同佢看看哪哩！

丙女：阿伯，你係樣仔係無？

甲： 、 、 肚屎痛啦！定著係吾舖娘煮著毋堵好个東西分 吃

乙男：阿伯！毋好屙屎毋出怨豬嫲，若舖娘恁辛苦，愛膠佢惜正好。

甲：兩層西裝！

乙丙：樣般講！

甲：有道理。

甲：三日無屙屎，怕係趨屎个關係！

丙女：該還毋簡單，現下就有個好東西。(拿出一條蕃薯分阿丑伯)

甲：(看到蕃薯打卵退兩三步)唉叻！愛收吾命嘿，我該下分佢燒到嘴角就還會痛呢！

丙女：阿伯，你一定毋係西湖人，你試食看啊哪！

甲：唔……，又冰又涼，仰會恁好食呢！

乙男：哈哈！這係西湖个名產一冰蕃薯(打竹板)

西湖好 西湖靚

三月柚花佬人錫

八月文旦滿收成

四季冰薯冰又冷

送入嘴肚透心涼

柚仔冰薯名聲響 啊 名聲響

丙女：係啊！係啊！

(阿丑伯摻蕃薯食忒)(面 zang 到紅紅，放一粒屁卵…嘍—嘍—)

甲：通哩！通哩！肚屎毋會痛哩！還暢快哪！做得山歌拉溜囉！

【扮小丑，邊唱邊跳】

甲：冰啊哩个薯 乙丙：冰啊哩个薯

甲：甜啊哩个香 乙丙：甜啊哩个香

甲：食入嘴肚 涼又爽 乙丙：涼啊又該爽

甲：哪哎哎哟！ 合：哪哎哎哟！

合：冰薯！冰薯！涼啊又該爽喔！食入肚脯好消化~哪哎哟哟得哟！

乙：好哩！好哩！晝地毋好再過哎哩哟，屋家个兩條大豬旨有食喔！

甲丙：係哟、係哟，有閒正來西湖奈！

乙：欸！等我等我~